

## ক্রিসমাসের হারানো ইতিহাস ২: ২৫শে ডিসেম্বর কার জন্ম?

Asif Adnan

December 25, 2018

3 MIN READ

২৫ শে ডিসেম্বর, উইন্টার সলিস্টিসের সময় আসলে কার জন্ম? পপুলার কালচার আপনাকে বলবে এই দিনে বা এই সময়ে ঈসা ইবন মারিয়ামের আলাইহিস সালাতু ওয়াস সালাম এর জন্ম। কিন্তু আসলেই কি? অন্য অনেক কিছুর মতোই এক্ষেত্রেও কি আমরা ক্রমাগত পুনরাবৃত্তির কারনে একটা মিথ্যাকে সত্য হিসেবে গ্রহন করে নিয়েছি? হয়তো বা নিজেদের অজান্তেই?

এ প্রশ্নের উত্তর জানতে দেখুন -

ইউটিউব - <https://www.youtube.com/watch?v=wD3BSWeLAS0>

তবে আরেকটা প্রশ্ন আছে, যেটা এক্ষেত্রে করা যেতে পারে। ঈসার আলাইহিস সালাতু ওয়াস সালাম সম্পর্কে জানাটা কেন এতো জরুরী?

প্রশ্নটা ভালো। তার চেয়েও বড় কথা হল প্রশ্নটা প্রয়োজনীয়। রাসূলুল্লাহ ﷺ ছাড়া অন্য সকল নবীর আলাইহিমুস সালাতু ওয়াস সালাম - মধ্যে কেন ঈসা ইবন মারিয়ামের আলাইহিস সালাতু ওয়াস সালাম এর গল্পটা জানা বিশেষ ভাবে জরুরী?

কারণ এই গল্প এখনো শেষ হয়নি। ঈসা ইবন মারিয়ামের আলাইহিস সালাতু ওয়াস সালাম এর গল্পের উপসংহার এখনো বাকি আছে। আর হয়তো এই গল্পের উপসংহারে আপনারও ভূমিকা আছে। এর অর্থ কি?

আসুন ওয়াহির আলোকে এই উপসংহার সম্পর্কে জানার চেষ্টা করি।

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ ﷺ বলেন-

‘ঐ আল্লাহর শপথ! যার হাতে আমার প্রাণ রয়েছে। অচিরেই ন্যায় বিচারক শাসক হিসেবে ঈসা (আঃ) তোমাদের মাঝে আগমন করবেন। তিনি ক্রুশচিহ্ন ভেঙ্গে ফেলবেন, শুকর হত্যা করবেন এবং জিযইয়া প্রত্যাখ্যান করবেন। ধন-সম্পদ প্রচুর হবে এবং তা নেয়ার মত কোন লোক পাওয়া যাবেনা। এমনকি মানুষের কাছে একটি সেজদা দুনিয়া এবং তার মধ্যকার সমস্ত বস্তু হতে শ্রেষ্ঠ হবে। [বুখারী, অধ্যায়ঃ কিতাবু আহাদীসুল আশীয়া। মুসলিম, অধ্যায়ঃ ঈসা (আঃ) এর অবতরণ। ২৩৩]

ঠিক কোন সময়ে কোন প্রেক্ষাপটে তার আলাইহিস সালাতু ওয়াস সালাম - এর আগমন ঘটবে?

সাহিহ হাদিসের আলোকে আমরা দেখতে আল-মাহদির আগমন, আল মালাহামাতুল কুবরা [মুসলিম এবং আর-রুম অর্থাৎ রোমান তথা ইউরোপিয়ানদের মধ্যে মহাযুদ্ধ - Armageddon] এবং আল-মাসিহ আদ-দাজ্জালের আগমনের পর। এবং মসিহ ঈসা ইবন মারিয়াম আলাইহিস সালাতু ওয়াস সালাম হত্যা করবেন আল-মাসিহ আদ-দাজ্জালকে। [বিস্তারিত জন্য দেখুনঃ <https://islamqa.info/en/43840>]

উম্মুল মুমিনীন আয়েশা সিদ্দীকা রাদিয়াল্লাহু আনহা রাসূলুল্লাহ ﷺ থেকে বর্ণনা করেছেন - ঈসা আলাইহিস সালাতু ওয়াস সালাম আকাশ থেকে অবতরণ করে দাজ্জালকে হত্যা করবেন এবং ৪০ বছর দুনিয়াতে থাকবেন। [মুসনাদে আহমদ ৬/৭৫; মুসান্নাফ ইবনে আবী শাইবা, হাদীস : ৩৮৬২৯]

এক যুদ্ধাবস্থায় মসীহ ঈসা ইবন মারিয়ামের আবির্ভাব ঘটবে, এবং তিনি একজন মুসলিম নেতার [আল-মাহদী] পেছনে দাঁড়িয়ে নামায আদায় করবেন। আল্লাহর রাসূল ﷺ বলেন -

“আমার উম্মতের একটি দল হকের উপর প্রতিষ্ঠিত থেকে কিয়ামত পর্যন্ত লড়াই করে বিজয়ী থাকবে। অতঃপর ঈসা (আঃ) আগমণ করবেন। সেদিন মুসলমানদের আমীর তাঁকে লক্ষ্য করে বলবেনঃ আসুন! আমাদের ইমামতি করুন। তিনি বলবেনঃ না; বরং তোমাদের একজন অন্যজনের আমীর। এ কারণে যে, আল্লাহ এই উম্মতকে সম্মানিত করেছেন”। [মুসলিম, অধ্যায়ঃ কিতাবুল ঈমান।]

আর ঠিক কোন জায়গাটাতে ঈসা ইবন মারিয়াম আলাইহিস সালাতু ওয়াস সালাম অবতরন করবেন?

আল্লাহর রাসূল ﷺ বলেন -

“সে (দাজ্জাল) যখন মুসলমানদের ঈমান ধ্বংসের কাজে লিপ্ত থাকবে আল্লাহ তাআলা তখন ঈসা ইবনে মারিয়াম (আঃ)কে পাঠাবেন। জাফরানের রঙ্গিন দু’টি পরিহিত অবস্থায় এবং দু’জন ফেরেশতার পাখার উপর হাত রেখে দামেস্ক শহরের পূর্বে অবস্থিত সাদা মিনারের উপরে তিনি অবতরণ করবেন। তিনি যখন মাথা নিচু করবেন তখন সদ্য গোসলখানা থেকে বেরিয়ে আসা ব্যক্তির মাথা থেকে যেভাবে পানি ঝরতে থাকে সেভাবে তাঁর মাথা থেকে পানির ফোটা ঝরতে থাকবে এবং যখন মাথা উঁচু করবেন তখন অনুরূপভাবে তাঁর মাথা হতে মণি-মুক্তার মত চকচকে পানির ফোটা ঝরতে থাকবে... [মুসলিম, অধ্যায়ঃ কিতাবুল ফিতান]

বিস্তারিত জানার জন্য দেখুনঃ

<http://www.hadithbd.com/showqa.php?b=21&s=260>

<https://islamqa.info/en/43148>

<https://islamqa.info/en/10301>

দামেস্কের সাদা মিনারের ঠিক এই মূহুর্তে কি অবস্থা আমরা কি জানি? সাদা মিনারের চারপাশে কি ঘটছে তার খবর কি আমরা রাখি?

"...জাফরানী রঙ্গের দু’টি পোষাক দুইজন ফেরেশতার পাখার উপর হাত রেখে দামেস্ক শহরের পূর্বে অবস্থিত সাদা মিনারের উপরে তিনি অবতরণ করবেন।"

আপনি যেরকম নিশ্চিত ভাবে জানেন এই মূহুর্তে আপনি বেঁচে আছেন সেরকম নিশ্চিত ভাবেই জেনে রাখুন, তিনি আসছেন! আলাহিস সালাতু ওয়াস সালাম।